



Es Härz für d'Ukraine – Hallelujah

(Liedtext vo dr Dominique Brüderlin)



Es isch krass, was uf dr Wält passiert
Für meh Macht und Gäld wird es Land bombardiert
Händer denn nüt glernt us allne Gschichtä
Irgendwo sitzt dä Presidänt und riebt sich gierig sini Händ
Chasch du di im Spiegel no erträgä?
Hallelujah, Hallelujah, Hallelujah



Dä Chrieg zwingt tuusigi Menschä in d'Flucht
S'Schicksal schloht zuä mit voller Wucht
Zerstörti Träum und Angst in ihrnä Gsichter
Wiä cha denn nur ä einzigä Ma, soviel Macht über anderi ha?
Cha mä denn dä Wahnsinn nid stoppä?
Hallelujah, Hallelujah, Hallelujah



Soldatä marschierä in Länder i
Ob us eigenem Willä oder mit Angst drbi
Vili hei kei Wahl, do bi mir sicher
ä Papi, ä Sohn, ä Bueder
hinterloht si Familiä, si Muetter
isch's das wüerkli wärt? – Oh Hallelujah
Hallelujah, Hallelujah, Hallelujah



Wieviel Bluet muess fliessä, i weiss es nid
Vo derä ganzä Politik verstandi nüt
Doch eis isch klar, mir chömmä so nid witer
Also stöndet uf und gänd enander d'Hand
Hoffnig und Liebi bruucht das Land
I bi für Friedä uf dr Wält – Oh Hallelujah
Hallelujah, Hallelujah, Hallelujah